

upertukan.

UMS, UGM tandatangani MOU tingkat kerjasama

DF 15/09/2011 2

Shahrul Ezanee

KOTA KINABALU: Universiti Malaysia Sabah (UMS) dan Universitas Gadjah Mada (UGM) menandatangani Memorandum Persefahaman (MoU) untuk melanjutkan kerjasama di sini pada Rabu.

MoU itu dimeterai antara Naib Canselor UMS Datuk Dr Kamaruzaman Hj Ampon dan wakil Rektor UGM, Prof Dr Toni Atyanto Dharoko dengan Gabenor Yogyakarta Sri Sultan Hamengku Buwono X menyaksikan acara yang berlangsung di Bangunan Canselor UMS itu.

“Melalui memorandum itu kedua-dua pihak Indonesia dan Malaysia akan mendapat faedah dengan melahirkan modal insan bijak pandai yang mampu mencipta produk untuk menampung pasaran global dan berdaya saing pada masa akan datang,” kata Sri Sultan.

Katanya, pasaran itu telah menjadi global melalui kemunculan pasaran bebas dan beliau merasakan Rim Pasifik harus menjadi fokus utama terhadap trend ekonomi semasa.

“Pada pandangan saya, kita mempunyai jumlah penduduk yang besar di Rim Pasifik, yang bermakna kita mempunyai pangkalan pengguna yang besar, lebih condong kepada teknologi dan juga daripada aspek kewangan kita boleh dianggap sebagai antara peneraju,” katanya.

“Dengan kefahaman ini, syarikat-syarikat asing diharap mendapat persaingan daripada penduduk tempatan yang akan membawa kepada penghargaan kompetitif bagi semua produk di pasaran,” tambah Sri Sultan.

Sementara itu, Kamaruzaman berkata: “Penandatanganan itu bermakna kedua-dua institut dapat memperkukuhkan kerja selidik mereka, meningkatkan pencapaian pelajar sambil bertukar-rukar maklumat.”

Katanya, UMS dan UGM sudah memeterai MoU pada 2005 tetapi perjanjian kaki ini pada asasnya adalah untuk memperkukuhkan dan melanjutkan kerjasama antara kedua-duanya.

Turut hadir semasa majlis itu ialah Pembantu Menteri Pelancongan, Kebudayaan dan Alam Sekitar, Datuk Bolkihah Ismail.



KAMARUZAMAN (duduk, kiri) dan Toni (duduk, kanan) menandatangani Mou itu sambil disaksikan Hamengku (berdiri, kedua dari kanan)